



Mmutla le sekolopata



SESOTHO



Mantswe a sebediswang haholo (ikgopotse) diphoofolo, feela, nna, ee

Mantswe a sebediswang haholo

mmutla

tsheha

utlwa

kgenne

kgolwa

Medumo (ikgopotse)

hl, jw, kg, ll, ng, ny, oo, ph, th, tl, ts

Medumo

sh (shebella, sheba)

ntl (ntlo, ntle)



Dibuka tsa Mophato wa Motheo tse
theoseditsweng bo tlase

Di phatlaladitswe ka 2012 ke Molteno Institute for Language and Literacy

E thehilwe ho ya ka dibuka tse tshereditsweng
ka ditjhelete ke Zenex Foundation



***** *Mmutla le sekolopata*

- Mohlophisi: [Jenny Katz](#)
- Baqapi ba pale: [Jenny Katz le Mirna Lawrence](#)
- Mosebetsi: [Jenny Katz](#)
- Setsebi sa puo ya Sesotho: [Mmasibidi Setaka](#)
- Seakanyi: [Vusi Malindi](#)
- Boakanyi le boqapi: [Resolution](#)



Creative Commons Attribution-
NonCommercial-NoDerivatives (CC
BY-NC-ND) 4.0 International Licence

Disclaimer: You are free to download and
share this work as long as you attribute the
Molteno Institute for Language and Literacy,
but you may not change this work in any way
or use it commercially.

© 2012 Molteno Institute for Language and Literacy





ISBN 978-1-77580-070-5

Mmutla le sekolopata

E thehilwe paleng ya Aesopa


Makoko a tla pele o wa





Ho ne ho na le mmutla o neng o le makoko, o re ona o tseba ho matha ka pele. O qala diphoofolo tse ding.

O ne o re, ‘Wena kubu, wena thuhlo, wena tlou, le a ikimela.
Wena sekolopata, o tsamaya butle,
o pepile ntlo eo ya hao ka morao.’



Ka tsatsi le leng sekolopata sa teneha.
‘Tlohela ho ba makoko, mmutla,’ se bua
se kgenne. ‘Le wena ho na le ba ka o
hlolang.’

Mmutla a tsheha a re, ‘Eng? Ke qeta
ho utlwa teko? Ho lokile, re tla matha
hosane.’



Ka le hlahlamang, mmutla le sekolopata
ba itokisetsa lebelo. Mmutla o ne a iketlile
hobane o tseba hore o tla hlola le ha a
ka itsamaela feela!

Diphooftolo tse ding tsa tla ho tla shebella.


Tlou ya qala lebelo, ‘1-2-3, mathang !’



Mmutla wa matha. Ka mora motsotso wa sheba morao. Wa se ke wa bona sekolopata, ya ba o tsamaya hanyane.

Ka mora nako pula ya na. Mmutla ha o rate pula. O ne a tseba hore o tlo hlola, ya ba o etsa ntlo o a robala.

Ntle le pula, sekolopata sa itsamaela, sa feta mmutla o robetse.




Ka mora nako, pula ya sa. Mmutla wa tsoha wa qamaka. Wa se ke wa bona sekolopata. Mmutla wa mathela ho qeta hore o hape lebelo!



Mmutla wa fihla mokgeng wa ho qetela,
wa se ke a kgolwa ...

Jo-we! Sekolopata ke sane moleng!

Mmutla a matha ka lebelo, feela o tlohile
ka mora nako. Sekolopata sa feta mola!
Sekolopata sa hlola mmutla.



Kubu, tlou le thuhlo tsa tsheha mmutla.
Mmutla a ba le dihlong.


Ya ba sekolopata se re, ‘Ee o lebelo ho
feta nna, mmutla. Feela o se ke wa ba
makoko ka taba eo.’

Mmutla a ithuta. Ho tloha moo, ya ba ha
o sa qalana kapa ho ba makoko hape.

MOSEBETSI

Hlahlamanya ditshwantsho ka tatelano ya pale.


A




B




**C
1**




D



E



F



Dibuka tsa **Vula Bula** di ikgethile mme buka ka nngwe e hlaha dipuong tsa Afrika Borwa tsa setso, hape e akantswe ho latela tswelopele ya tlhaho le ditlhoko tse itseng tsa dithuto tsa puo eo.



Kgato ya ★ (8)

Jo!
Rala o sehe
Bidika
Bala
Baleha!
Robala
Mamela
O se ke!

Kgato ya ★★ (5)

Konomaka
Monehelo
Lehae
Ntate o na le Pule
Seba

Kgato ya ★★★ (8)

Ke la mang lebidi le?
Leeto
Fesetere e thubehile!
Thusa!
O kae Palesa?
Re bapala mokoko
Bohobe bo joweng
Leino

Kgato ya ★★★★ (5)

Lelapa le reka diaparo
Sehwete se seholo
Moya le Letsatsi
Bolokela hosane
Takatso tse tharo

Kgato ya ★★★★★ (6)

Sopo ya lejwe
Mmutla le sekolopata
Tau le tweba
Ho baka le nkgono
Toropo ya haeso
Afrika Borwa ya rona

Dibuka tsena di fana ka menyetla e mengata ya ho bala ka sehlopha, ho tataiswa, ho bala ka bobedi le ho bala ka bonngwe hore ba utlwisise medumo le mantswe a sebediswang haholo kapa maano a ho sheba le ho bua. Dipolelo tse bonolo le mantswe a tlwaelehileng a dumella tswelo pele ya ho bala. Ditshwantsho tse bohehang, tse hlakileng di etsa hore ba utlwisise ha bonolo.

SESOTHO